

Sra. Giselle Netto di Pro Bida:

“Nos no ta djis biba awe pa nos placer”

ORANJESTAD – Fun-
dacion Pro Bida cu ta un
organizacion Catolico cu
a wordo lanta bou dak
di parokia di Dakota ta
pro defensa di derecho di
bida for di Concepcion te
nacimiento di e baby. Nan
ta promove abstencion
como medio pa evita un
embaraso no desea y otro
tipo di malesa producto di
relacion sexual irresponsa-
bel.

Sra. Giselle Netto di Pro Bida
ta consciente cu promove ab-

stencion sexual specialmente
cerca nos hobennan no ta
facil considerando entre otro
e presion social y impacto di
medionan di comunicacion
riba comportacion di nos
poblacion jong. Diferente
cu fundacion Famia Plania
cu pa medio di charla y uzo
di medionan anticonceptivo
ta purba di conscientisa riba
embaraso hubenil, of em-
baraso no desea of malesa di
transmision sexual, funda-
cion Pro Bida ta carga e ban-
dera di abstencion.

“Ta dificil pa bisa esey. Ber-

dad nos tin hopi embaraso
hubenil. Hopi hoben ta ac-
tivo sexualmente”, el a bisa.
Tambe nan ta compronde e
preocupacion di preveni pa
nan sali di estado. Pero pesar
di esaki, Pro Bida ta keda
riba e punto cu sexualidad ta
pertenece na matrimonio.

E ta haya cu e problema ta
sinta riba e base di famia y
for di eynan nos mester cum-
insa. Ya cu e ta haya cu nos
hobennan kier haya aten-
cion y afeccion. E ta mira
cu e hecho cu tur educacion

sexual cu nan ta haya con-
stantemente no ta yuda, ya cu
nan ta haci loke otro persona
kier di nan. P’esey e ta con-
sidera relevante pa cuminsa
siña balornan na nos hoben-
nan. “Mester splica nan dicon
sexualidad no na un edad ho-
ben”, el a indica. E hecho cu
gran mayoria di hende ta uza
anticonceptivo y cu nan ta
siña pa hacie di un forma safe,
e no ta haya cu ta e solucion
mas corecto.

E ta considera cu ta impor-
tante pa splica e hobennan
dicon no. Ya cu e hobennan

ta consciente di tur loke ta
pasando rond di dje, entre
otro e cantidad di matrimo-
nio kibra, y e situacion di ma-
manan soltero y nan ta mira
–segun sra. Netto– e conse-
cuencia di e mal decision cu
nos generacion a haci y ta ha-
ciendo.

Pro Bida ta haya cu ta falta
hendenan cu mester siña nos
hobennan e balornan y siña
y compronde “dicon e meta
di Dios ta asina. Y cu nos no
ta djis biba awe pa nos plac-
er”, el a declara na Bon Dia
Aruba. □